

32

xxxijj

En a faict au(tr)e  
rettenu [par] moy  
Moncere, not(aire)

---

Testement de jehan baudonet  
dict ganhayre de bonrepaux

**L an mil cinq cens cinq(uan)te** et le **setziesme**  
jo(ur) dud(it) moys de **jung** dans la ju(ridicti)on du  
lieu de **bonrepaux** et( )dans la salle haulte  
de la **maison nefve du testateur** soubz nom(m)e  
en lenguedoc etc regnant led(it) prince henry  
etc es p(rese)nces etc constitue [per]sonnelle(men)t  
**jeha(n) baudonnet dict ganhayre** habit(ant) de  
lad(ite) ju(ridicti)on lequel gissant dans son  
lict en lad(ite) salle de sa maison illec dettenu  
en c(er)taine ]~~ma~~[ maladie corporelle doubtant  
en mourir bien vouyant ouyant [par]lant  
cognoissent et estant en ses bons scens  
et( )memoire [con]siderant ce q(ue) a ung [per]sonnage  
saige [con]vient a [con]siderer de son gre  
etc a faict et ordonne son dernier noncupatif  
et vallable testament en la forme et  
maniere suyvans et premierement [co]m(m)e  
ung vray [chret]ien en la sainte foy de dieu  
s( )est signe du seing de la croix disent  
en nom du pere du filz e(t )du saint  
(e)sperit ame(n) apres a [co]mande led(it)  
testateur ses corps et ame a( )dieu le  
crea(teur) a( )la glorieuse vierge marie  
et a toutz les saintz et sainte(s) de paradis  
item a volu le testateur que quant son  
ame sera de son corps separee que  
sond(it) corps soit ensepvely au saint  
simmiter de l( )egli(se) parrochelle dud(it)  
bonrepaux et au vas<sup>1</sup> auquel ses [pre]decess(eur)s  
trespassez sont este ensepveliz item  
a volu que aulx jours de ses decez  
]et ~~demain~~[ novene et bout d( )an et ch(ac)un d( )iceulx

.....  
troys soient [par] ses here(tiers) universailz  
cy apres instituez [con]vocquez e(t )appellez  
trente ]~~pb~~[ p(rest)bres messes chantans ausquelz

et ch(ac)un d( )iceulx a voulu estre paye  
[par] sesd(its) here(tiers) vingt deniers tourn(ois) avec  
refection corporelle [par] ch(ac)un desd(its) jours  
item a voulu estre eues quatre entorches  
de demy livre cire ch(ac)une a( )ch(ac)un desd(its)  
jours lesquelles a voulu estre  
alumees a( )la maniere acoustumee et tant  
que les messes haultes de sesd(ites)  
funerailles dem(e)ureront a( ) [par] canter<sup>2</sup>  
item a voulu estre suyvie sa novene  
luy descende et( ) [par] ne(u)f jours apres  
sond(it) decez [con]sequitiz estre celebree  
une messe basse des trespassez  
a( ) laquelle a voulu estre offert  
a( ) dieu pain vyn e(t) lum<sup>3</sup> et les  
messes payees aulx p(ret)bres que  
les selebreront c( )est po(ur) ch(ac)un  
vingt deniers t(ournoi)z item a( ) legue a  
honneur de dieu al accapte des  
pouvres ames de purcatoire erige  
en lad(ite) egli(se) de bonrepaux cinq soulz  
tourn(ois) payables [par] ses here(tiers) unierselz  
dans l( )an apres sond(it) decez une foys  
item al accapte de saint pierre  
en lad(ite) egli(se) a( ) legue quatre soulz t(ournoi)z  
[par] qui et [co]m(m)e dessus payable item  
a( ) ch(ac)un au(tr)e accapte en lad(ite) egli(se)  
estant a( ) legue [co]m(m)e dess(us) troys  
soulz t(ournoi)z une foys [co]m(m)e et( ) [par] qui dess(us)  
payables item a voulu dans ung an

.....  
xxxiiij

33

apres sond(it) decez estre faicte une  
caritat sive almosne de cinq emynes  
bled missole a mes(ur)e de mo(n)tauban  
en pain cuyct [con]verty et de une pipe  
bon vyn rouge et par laquelle a  
volu estre distribuee aulx pouvres  
de dieu et au(tr)es qui en viendront  
querir au devant la porte de sad(ite)  
maison dans led(it) temps et que  
soyent tenuz prier dieu po(ur) son  
ame et au(tr)es des trespassez item  
a voulu que **agnez malpelade sa  
femme** tenent vie viduall e(t) honneste  
soit maistresse seignoresse et  
ususfructuaire de toutz e(t) ch(ac)uns ses

biens tant q(ue) vivra en(tr)e les humains  
en entretenent d( )iceulx les [per]sonnes  
de ses enfans here(tiers) universailz  
leurs femmes e(t )mesnaiges item a  
volu que le cas advenent que sad(ite)  
femme tenent lad(ite) vie descedast  
que semblables honneurs en ses  
funerailles luy soit faictes [co]m(m)e a  
dict avoir dispouser po(ur) soy po(ur)  
laquelle aussi a( )faictz semblables  
legatz po(ur) le salut de son ame  
[co]m(m)e po(ur) luy a( )dict avoir este cy devant  
faictz item a( )legue led(it) testateur a  
**annete et peyronete baudonetes ses**  
**filles** legitimes et naturelles [par] droit  
de institution et( )portion hereditaire  
oultre et( )[par]t les douvaires a( )ch(ac)une  
d( )elles [par] luy en leurs [con]traultz de

.....

mariages [con]stituez lesquelz douvaires  
a dict avoir este [par] luy entierement  
a( )leurs marys payez la somme de  
cinq soulz t(ournoi)z une foys [par] sesd(ite) here(tiers)  
universailz payables item a legue  
[co]m(m)e dessus a **jeha(n)** et( )**francoyse**  
**champies filz a( )feue ramonde baudonete**  
**dicte la blanche fille aud(it) testateur**  
et a( )ch(a)un d( )iceulx la somme de cinq  
soulz t(ournoi)z une foys [par] quy dess(us) payable  
et ce moyen(ant) les a faictz ses  
here(tiers) [par]ticuliers ]~~item a dict led(it)~~[  
]test[ et en toutz et( )ch(ac)uns ses  
au(tr)es biens meubles immeubles  
droictz voix actions et no(m)iations p(rese)ns  
et advenir led(it) testateur a( )faictz  
instituez et( )de sa( )bouche nommez ses  
here(tiers) universailz c( )est **guill(aum)e** au(tr)e  
**guill(aum)e** et( )**gaillard baudonetz ses filz**  
legitimiz et( )naturelz [par]( )esgalles  
portions en(tr)e eulx a deveser  
[par] lesquelz a volu estre apyez  
et satisfaitz aulx lieux et termes et  
[per]sonnes susd(ites) bien a dict led(it)  
testateur jadiz avoir receu dud(it)  
**guill(aum)e baudonet le plus vieulx**  
son filz en deux foys la somme  
de ]sep[ cent quara(n)te ne(u)f livres  
tourn(ois) provenues des douvaires de  
**anthoinete carrate et catherine durante**  
**ses premiere et tierce femmes et**

son au(tr)e filz et [co]heretier la somme  
de soixante livres tourn(ois) provenue  
]des[ du douvaire de **mariete ruelle**  
**sa femme** ]la somme de soixan[ et  
de **gaillard baudonet** son au(tr)e filz  
]pø(ux)[ la somme de trente livres t(ournoi)s  
d( )une [par]t provenue du legat a  
**anthoinete faura femme dud(it) gaillard**  
[par] feu maistre george griget p(rest)bre  
a icelle faict et d( )au(tr)e [par]t ]en[  
la somme de vingt cinq livres  
tourn(ois) ]en deductio[ provenue en douvaire  
de lad(ite) faura desquelles sommes  
led(it) testateur a volu estre faicte  
en(tr)e sesd(its) filz et heretiers universailz  
ou et( )quant viendront a devison  
estre en(tr)e eulx faicte [com]pensation  
et que celluy quy aura plus luy  
]p[ baille [par] les au(tr)es ch(ac)un en son  
esgard et endroit soit ramborse  
de sesd(its) biens en argent ou au(tre)ment  
[co]m(m)e sera en(tr)e eulx accourde avant  
[par]faire la division # item aussi a  
volu que po(ur) ce que led(it) **guill(aum)e**  
**baudonet vieulx** avoit este jadiz **en**  
**segondes nopces** [con]tracte mariaige  
**avec gabrielle cabrolle** et luy  
avoit este paye po(ur) le douvaire  
d( )icelle la somme de soixante dix  
livres tourn(ois) laquelle il avoit mise  
de son [con]sentement a prouffict [par]ticulier  
a volu que le prouffict que led(it)

# aussi a  
volu le testateur  
que led(it) guill(aum)e  
baudonet vieulx  
soit tenu **ayder**  
**a marier ausd(it)**  
**au(tr)e guill(aum)e et**  
**gaillard baudonetz**  
ses freres et a( )ch(ac)un  
d( )iceulx  
**leurs filles** de  
leurs legitimes  
mariaige [pro]cedens  
po(ur) tierce [par]tie

des sommes et  
au(tr)es choses q(ue)  
leur seront  
en douvaires  
[con]stituees en la  
forme et maniere  
qu( )il a dict jadiz  
avoir marie  
]ses filles xxxxxx[  
]xxxxxx[ **annete**  
**baudonete fille**  
aud(it) **guill(aum)e vieulx**

.....

prouffict soit en seul aud(it) guill(aum)e  
vieulx a( )la charge de payer [par] led(it)  
guill(aum)e aud(it) gaillard baudonet ]#a[  
d( )icelle somme ou dud(it) prouffict la  
somme de tretze livres tourn(ois) de  
jo(ur) en jo(ur) quant [par] luy seront  
requises a( )lad(ite) somme de tretze  
livres [conm]prinse la somme [par] lad(ite)  
feue cabrolle femme aud(it) guill(aum)e  
aud(it) gaillard leguee ou ce  
que luy pourroit avoir legue #  
et le p(rese)nt testament a voulu  
estre le sien dernier no(n)cupatif  
et vallable et valoir [par] droict  
de testament etc et au(tr)e maniere de  
derniere disposition que pourra  
mieulx valoir de droict et a  
casse et annulle toutz au(tr)es  
testemens codicilles donnetions  
a( )cause de mort et au(tr)es voule(n)tes  
et( )dispositions avant la p(rese)nte faicte  
et a priez les tesmoingz cy apres  
mys estre memoratifz du [con]tenu  
en son p(rese)nt testament et requiz  
a moy en rettenir instrument q(ue) luy  
a este accourde es p(rese)nces de maistre  
jeha(n) podac p(rest)bre hugues faure vieulx  
anthoine vignie faure anthoine marmon  
arnauld calvet guill(aum)e delholm dict pele  
girma terralh clemens mo(n)tet et hugues  
de saint jenyne dud(it) bonrepaux et des ju(ridicti)ons  
de saint leofaire et de puilauron habit(ants)  
et de moy jacques

Moncere

# item a voulu  
que le cas  
advenent q(ue)

aucun de sesd(its)  
here(tiers) unive(rse)lz  
descenderoit  
intestat et  
sans fruit de  
legitime mariaige  
que la portion  
de l( )heredite  
du descende  
devieigne de  
plain droit  
aulx survivans  
et de l( )ung  
a( )l( )au(tr)e en  
lad(ite) qualite  
les a substitues

<sup>1</sup> *Vas, vase, s. m., cercueil, sépulcre.*

<sup>2</sup> *Aparcanter, chanter entièrement.*

<sup>3</sup> *Lum, s. m., lumière.*